



BOSNIA AND HERZEGOVINA
PUBLIC PROCUREMENT AGENCY

Broj: 02-02-1-1912-2/20
Sarajevo, 23.09.2020. godine

REFAM CREATIVE SOLUTIONS

Jukićeva 2
71000 Sarajevo
Faks: 033/408-779

***Predmet:** Upit o primjeni Zakona o javnim nabavkama*

***Veza:** Vaš e-mail i akt u prilogu broj 01-FG/2020 od 21.09.2020. godine*

Poštovani,

Na osnovu člana 92. stav (3) tačka d) Zakona o javnim nabavkama („Službeni glasnik BiH“ broj 39/14), Agencija za javne nabavke, u cilju osiguranja pravilne primjene zakona, pruža tehničku i savjetodavnu pomoć i ugovornim organima i dobavljačima u vezi s primjenom i tumačenjem odredbi zakona i podzakonskih akata, kao i detaljima iz Vašeg upita, daje slijedeće mišljenje:

Član 61. Zakona o javnim nabavkama (u daljem tekstu: Zakon) definiše vrste garancija i mogućnost njihovog zahtijevanja, s tim da su forme garancije za ozbiljnost ponude i izvršenje ugovora, kao i druga vezana pitanja definisana Pravilnikom o formi garancije za ozbiljnost ponude i izvršenje ugovora („Službeni glasnik BiH, broj 90/14).

Nadalje, članom 5. stav (1) Pravilnika utvrđeno je da ugovorni organ vrši povrat sredstava ili dokumenata koja predstavljaju garanciju za ponudu i to u roku od 10 (deset) radnih dana u slučaju gotovinskog depozita, odnosno 5 (pet) radnih dana u drugim slučajevima, a po nastupu bilo kojeg od sljedećih slučajeva:

- a) odbijanje, ocjena ponude kao neprihvatljive, ili istekom perioda važenja ponude,
- b) dodjela i stupanje na snagu ugovora o javnoj nabavci,
- c) poništenje ili okončanje postupka javne nabavke prije dodjele, ili stupanja na snagu ugovora o javnoj nabavci, ili
- d) povlačenje ponude prije isteka određenog roka za dostavljanje ponuda.

U obrascu безусловne bankovne garancije za ozbiljnost ponude koji je dat u prilogu Pravilnika navedeni su slučajevi kada će banka platiti ugovornom organu, i to ako je ponuđač:

- 1) povukao svoju ponudu prije isteka roka važenja ponuda utvrđenog u tenderskoj dokumentaciji i Obrascu Ponude, ili
- 2) ako ponuđač, koji je obaviješten da je njegova ponuda prihvaćena kao najpovoljnija, a u periodu roka važenja ponude:
 - a) odbije potpisati ugovor, ili propusti potpisati ugovor u utvrđenom roku,
 - b) ne dostavi ili dostavi neodgovarajuću garanciju za uredno izvršenje ugovora,
 - c) dostavi neistinite izjave vezane za kvalifikaciju kandidata/ponuđača.

Iz naprijed navedenog je evidentno da nedostavljanje kvalifikacione dokumentacije nije naveden kao slučaj u kojem se može aktivirati garancija za ozbiljnost ponude.

S poštovanjem,

Dostavljeno:

- naslovu
- a/a

